

## OSNIVAČKA POVELJA REGIONALNOG SINDIKALNOG VIJEĆA SINDIKATA OBRAZOVANJA

Reprezentativni sindikati obrazovanja (u daljem tekstu: sindikati obrazovanja) uspostavili su kontakte koji su u posljednjih nekoliko godina prerasli u međunarodnu sindikalnu saradnju u raznim oblastima njihovog rada. To ne odgovara samo interesima radnika, nego značajno doprinosi i daljnjem razvoju i jačanju sindikata. Opći cilj sindikata jeste razvoj integracionih procesa u obrazovnoj, privrednoj, socijalnoj i kulturnoj oblasti, uz poštovanje samostalnog odlučivanja pojedinih sindikata. Vjerujemo da je, zajedno sa razvojem političke i ekonomske saradnje, potrebno dalje jačanje saradnje između sindikata i da tome treba dati formalni okvir.

Stoga smo mi, gore navedeni sindikati obrazovanja odlučili osnovati Regionalno sindikalno vijeće sindikata obrazovanja „ZAJEDNO ZA OBRAZOVANJE“ (u daljem tekstu: „Regionalno vijeće“).

### I

Regionalno vijeće formiraju reprezentativni sindikati obrazovanja koji na taj način žele formalizovati svoju dobru saradnju u prethodnom periodu.

Regionalnom vijeću mogu pristupiti i ostali reprezentativni sindikati obrazovanja konsenzusnom odlukom svih njegovih članica.

Članstvo u Regionalnom vijeću prestaje:

- odlukom članice,
- gubljenjem statusa reprezentativnog sindikata obrazovanja.

### II

Regionalno vijeće predstavlja slobodan oblik saradnje koji omogućava komunikaciju između sindikata obrazovanja, na osnovu njihove nezavisnosti i ravnopravnosti, o raznim problemima u oblasti djelovanja sindikata i razmjenu iskustava i dobre prakse u njihovom rješavanju. Cilj je poboljšanje radnih, materijalnih i socijalnih uslova radnika čije interese zastupaju sindikati obrazovanja koji učestvuju u Vijeću.

### III

Sindikati obrazovanja će putem Vijeća saradivati u sljedećim sadržajnim elementima:

- Razvijanje solidarnosti između sindikata obrazovanja i organizovanje zajedničkih akcija i kampanja;
- Međusobna razmjena iskustava i informacija u svim oblastima sindikalnog rada;
- Organizovanje stručnih konsultacija iz područja javnih politika, radnog i socijalnog zakonodavstva te kolektivnih ugovora, a s ciljem obezbjeđivanja što višeg nivoa radnih i socijalnih prava;
- Edukacija predstavnika sindikata;
- Uspostavljanje i jačanje saradnje između teritorijalnih oblika sindikalnog organizovanja;
- Razmjena informacija i iskustava u procesu prilagodavanja standardima Evropske unije;
- Informisanje i edukacija o projektima Evropske unije i učešće u njima;
- Aktivnim djelovanjem podsticati i stimulirati integrativne procese u sindikalnom pokretu;

- Afirmacija, poticanje i praćenje primjene međunarodnih konvencija i preporuka Međunarodne organizacije rada (ILO), Evropskog sindikalnog komiteta za obrazovanje (ETUCE) i Education International (EI);
- Afirmacija sindikalnog djelovanja među mladima u cilju unapređenja njihovog položaja u sindikatu i društvu općenito;
- Afirmacija politike jednakih mogućnosti i rodne ravnopravnosti;
- Druga pitanja na prijedlog članica Regionalnog vijeća.

#### IV

Regionalnim vijećem svake godine predsjedava sindikat obrazovanja iz druge države. U slučaju da su članice Regionalnog vijeća dvije ili više sindikata obrazovanja iz jedne zemlje, predsjedavanje se srazmjerno dijeli među njima.

Regionalno vijeće sastaje se u pravilu jedanput godišnje. Zadatak predsjedavajućeg sindikata obrazovanja je da sazove sjednicu Vijeća, predloži dnevni red i da obezbijedi uslove za njegovo sprovođenje. Sjednica Regionalnog vijeća se odvija u zemlji čiji sindikat obrazovanja predsjedava Vijećem. Predsjedavajući sindikat obrazovanja na sjednicu Vijeća poziva i predstavnike evropskih i svjetske centrale sindikata obrazovanja ukoliko za to postoji potreba.

Prva Radna sjednica biće u organizaciji Samostalnog sindikata osnovnog obrazovanja i odgoja Federacije BiH.

Ukoliko to zahtijeva tema o kojoj će se diskutovati na Regionalnom vijeću, na sjednicu takođe mogu biti pozvani predstavnici vlada, sindikalnih centrala, organizacija poslodavaca i stručnjaci iz tih oblasti.

Vijeće može formirati stručna tijela kako bi se razmotrila pojedina pitanja.

#### V

Članice Vijeća mogu obezbijediti finansijska sredstva za svoje sastanke iz međunarodnih projekata ili finansijskih sredstava fondacija koje su voljne podržati naše djelovanje. Ukoliko za zasjedanje Regionalnog vijeća ne postoje sredstva iz eksternih izvora, troškove organizovanja, izvođenja sjednice i boravka učesnika/ca snosi predsjedavajuća članica, dok druge članice snose ostale troškove svojih predstavnika/ca.

#### VI


Regionalno vijeće osnovano je 01.07.2024. godine u Strugi od strane sljedećih sindikata obrazovanja:

Samostalni sindikat osnovnog obrazovanja i odgoja FBiH (SSOOiO FBiH)  
Selvedin Šatorović, predsjednik

Samostoen sindikat za obrazovanie, nauka i kultura na Republika Makedonija (SONK)  
Jakim Nedelkov, predsjednik


Sindikato obrazovanja Srbije (SOS)

Valentina Ilić, predsjednica




Sindikato srednjeg i visokog obrazovanja, odgoja, nauke i kulture BiH (SSVOONK BiH)

Edina Čomić, predsjednica




Sindikato hrvatskih učitelja (SHU)

Sanja Šprem, predsjednica



Sindikato radnika u predškolskom odgoju i obrazovanju Hrvatske (SRPOOH)

Iskra Vostrel Prpić, predsjednica



Sindikato prosvjete Crne Gore (SPCG)

Radomir Božović, predsjednik

Sindikato vzgoje, izobraževanja, znanosti in kulture Slovenije (SVIZ)

Branimir Štrukelj, glavni tajnik